


**KOMISIJA ZA PRIPREMANJE PRIJEDLOGA ZA
IZBOR U NAUČNONASTAVNO ZVANJE
ASISTENT ZA NAUČNU OBLAST
"HIDROTEHNIKA I OKOLIŠNO
INŽENJERSTVO"**

UNIVERZITET U SARAJEVU
GRAĐEVINSKI FAKULTET

Broj: 02-1-9/5-13/21

Datum: 07.02. 2022.god.

**VIJEĆE GRAĐEVINSKOG FAKULTETA
UNIVERZITET U SARAJEVU-GRAĐEVINSKI FAKULTET**



Predmet: Izvještaj Komisije za pripremanje prijedloga za izbor u naučnonastavno zvanje asistent za naučnu oblast "Hidrotehnika i okolišno inženjerstvo"

Odlukom Vijeća Građevinskog fakulteta Univerzitet u Sarajevu-Građevinski fakultet, Sarajevo, br: 02-1-945-12/22 od 24.01.2022.god. imenovana je Komisija za pripremanje prijedloga za izbor u naučnonastavno zvanje asistent za naučnu oblast "Hidrotehnika i okolišno inženjerstvo" u sastavu:

- 1.) Dr.sc.Amra Serdarević, dipl.ing.građ., vanredni profesor Univerziteta u Sarajevu-Građevinski fakultet (naučna oblast "Hidrotehnika i okolišno inženjerstvo"), predsjednik Komisije;
- 2.) Dr.sc.Emina Hadžić, dipl.ing.građ., redovni profesor Univerziteta u Sarajevu-Građevinski fakultet (naučna oblast "Hidrotehnika i okolišno inženjerstvo"), član Komisije;
- 3.) Dr.sc.Haris Kalajdžisalihović, dipl.ing.građ., docent Univerziteta u Sarajevu-Građevinski fakultet (naučna oblast "Hidrotehnika i okolišno inženjerstvo"), član Komisije;

Univerzitet u Sarajevu- Građevinski fakultet raspisao je Konkurs za izbor u naučnonastavno zvanje asistent za naučnu oblast "Hidrotehnika i okolišno inženjerstvo", te isti objavio u novinama "Oslobođenje" i na web stranici Univerziteta u Sarajevu - Građevinski fakultet, dana 13.12.2021.god. U utvrđenom roku prijavila su se dva (2) kandidata, koja su priložili svu potrebnu dokumentaciju traženu Konkursom: _

- Dževad Imamović, diplomirani inženjer građevinarstva/magistar građevinarstva, smjer Hidrotehnika i okolišno inženjerstvo,
- Armin Husanović, diplomirani inženjer građevinarstva/magistar građevinarstva, smjer Hidrotehnika i okolišno inženjerstvo.

IZVOD IZ BIOGRAFIJA KANDIDATA

Dževad Imamović, diplomirani inženjer građevinarstva/magistar građevinarstva, rođen je 08.07.1992.god. u Zavidovićima, državljanin BiH, nastanjen u Sarajevu. Nakon završene Srednje tehničke škole u Zavidovićima upisuje I ciklus studiranja, u trajanju od 6 semestara na Građevinskim fakultetu u Sarajevu, koji je uspješno završio 05.11.2016.godine. Položio je 42 ispita sa prosječnom ocjenom studiranja 8,19. Nakon završenog I ciklusa studiranja upisao je II ciklus studiranja na Građevinskom fakultetu u Sarajevu, položio 15 ispita, te II ciklus studija uspješno završio 01.12.2018.godine, odbranom Master rada. Prosječna ocjena studiranja na II ciklusu studija je 9,27. Od 2018. god. do danas učestvovao je u izradi 34 stručna projekta, te bio uposlenik kod tri poslodavca i to: 2018.-2020. Dževkomerc inženjering d.o.o. Zavidović, u svojstvu projektanta i rukovodioca gradilišta, 2019.-2020. pH+INŽENJERING

d.o.o. Sarajevo, u svojstvu rukovodioca gradilišta i 2020.-2021. Zavod za planiranje Kantona Sarajevo u svojstvu stručnog saradnika. Od akademske 2021./2022. pohađa III ciklus studiranja na Univerzitetu u Sarajevu - Građevinski fakultet. Ima prosječno znanje Engleskog (B1), i bazno znanje Njemačkog jezika (A1), te vlada radom na računaru. Posjeduje B vozačku dozvolu. U sklopu prijave na pomenuti Konkurs dostavio je svu potrebnu dokumentaciju, u skladu sa Zakonom o visokom obrazovanju KS i traženu Konkursom.

Armin Husanović, diplomirani inženjer građevinarstva/magistar građevinarstva, rođen je 22.05.1996. godine u Zenici, državljanin BiH, nastanjen u Sarajevu. Nakon završene Mješovite srednje škole u Maglaju (Hemijsko tehničko-tehnološke srednje škole) i stečenog zvanja Hemijski tehničar opšteg smjera upisuje I ciklus studiranja, u trajanju od 6 semestara na Građevinskim fakultetu u Sarajevu, koji je uspješno završio 01.12.2018.godine, sa prosječnom ocjenom studiranja 8,14. Nakon završenog I ciklusa studija upisao je II ciklus studija na Građevinskom fakultetu u Sarajevu, te je studij uspješno završio 19.12.2020. godine odbranom Master rada. Prosječna ocjena studiranja na II ciklusu studija je 9,13. Od 2020. godine do danas uposlen je na poziciji projektanta saradnika u Saraj inženjering d.o.o. te je učestvovao u izradi 7 stručnih projekta. Posjeduje elementarna znanja iz Engleskog (A2), Njemačkog (A2) i Francuskog jezika (A1), te vlada radom na računaru. Posjeduje A, B i C1 vozačku dozvolu. U sklopu prijave na pomenuti Konkurs dostavio je svu potrebnu dokumentaciju, u skladu sa Zakonom o visokom obrazovanju KS i traženu Konkursom.

ZAKLJUČAK I PRIJEDLOG KOMISIJE

Na osnovu dostavljene dokumentacije, Komisija konstatuje da oba kandidata, **Dževad Imamović**, MA građevinarstva i **Armin Husanović**, MA građevinarstva ispunjavaju sve uslove propisane Konkursom i Zakonom o visokom obrazovanju KS za izbor u naučnonastavno zvanje asistenta.

Razmatrajući biografske podatke, podatke o školovanju (ostvoreni uspjeh na I i II ciklusu studija na Univerzitetu u Sarajevu –Građevinski fakultet), iskustvo u radu na stručnim projektima, poznavanje jezika i druge podatke koje su kandidati naveli, Komisija je izdvojila sljedeće podatke, značajne za izbor kandidata:

Podaci:	Dževad Imamović	Armin Husanović
Prosjek ocjena na I ciklusu	8,19	8,14
Prosjek ocjena na II ciklusu	9,27	9,13
Učešće na stručnim projektima	34	7
Poznavanje engleskog jezika/govor	B1	A2
Vozačka dozvola/kategorija	B	A,B,C1

Na osnovu podataka navedenih u ovom Izveštaju, Komisija predlaže Vijeću Građevinskog fakulteta, Univerziteta u Sarajevu – Građevinski fakultet da se kandidat **Dževad Imamović**, diplomirani inženjer građevinarstva/magistar građevinarstva, smjer Hidrotehnika i okolišno inženjerstvo izabere u naučnonastavno zvanje asistent za naučnu oblast " Hidrotehnika i okolišno inženjerstvo".


Sarajevo, 03.02.2022.

KOMISIJA:

Dr.sc.Amra Serdarević, dipl.ing.građ.,
vanredni profesor, predsjednik Komisije

Handwritten signature of Amra Serdarević in black ink, written over a horizontal line.

Dr.sc.Emina Hadžić, dipl.ing.građ.,
redovni profesor, član Komisije

Handwritten signature of Emina Hadžić in black ink, written over a horizontal line.

Dr.sc.Haris Kalajdžisalihović, dipl.ing.građ.,
docent, član Komisije

Handwritten signature of Haris Kalajdžisalihović in black ink, written over a horizontal line.